

**LUTRIJA BOSNE I HERCEGOVINE d.o.o. Sarajevo**  
**NADZORNI ODBOR**

Na osnovu člana 22. Zakona o igrama na sreću („Službene novine FBiH“, br.48/15 i 60/15) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 16.05.2023. godine, d o n i o j e

**P R A V I L A**  
**novčane srećke „DIJAMANTNA GROZNICA”**

**1. OPŠTE ODREDBE**

**Član 1.**

Ovim se Pravilima propisuju uslovi za priređivanje novčane srećke „DIJAMANTNA GROZNICA“ (u daljem tekstu: srećka).

**Član 2.**

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke „DIJAMANTNA GROZNICA“.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

**2. NAZIV I VRIJEME TRAJANJA IGRE**

**Član 3.**

Novčana srećka „DIJAMANTNA GROZNICA“ (u daljem tekstu: srećka) je igra na sreću koja na sebi ima 4 igre. Dobitak je moguće ostvariti u svakoj od igara.

**Član 4.**

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodate do zaključenja prodaje, odnosno dobitci na ovim srećkama, ne smatraju se neisplaćenim dobitcima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

### **3. USLOVI ZA UČEŠĆE U IGRI**

#### **Član 5.**

Učesnikom u igri smatra se osoba koja je sa Priređivačem zaključila ugovor iz člana 2. ovih Pravila, uz dokaz da posjeduje srećku.  
Srećka glasi na donosioca.

### **4. PODRUČJE PRIREĐIVANJA IGRE**

#### **Član 6.**

Srećka se priređuje na području Federacije Bosne i Hercegovine i Brčko Distrikta BiH.

### **5. POJEDINAČNA CIJENA SREĆKE**

#### **Član 7.**

Cijena jedne srećke je 2,00 KM.

### **6. KOLIČINA I NOVČANA VRIJEDNOST EMISIJE SREĆKE**

#### **Član 8.**

Srećka se emituje u serijama. Jedna serija sadrži 1.000.000 (jedan million) komada srećaka.

Novčana vrijednost emisije srećaka iznosi 2.000.000,00 KM (dva milliona konvertibilnih maraka).

Odluku o broju serija donosi direktor Priređivača.

### **7. VISINA FONDA I VRSTE DOBITAKA**

#### **Član 9.**

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 200.000,00 KM.

Fond dobitaka iznosi 65 % od ukupne emisije vrijednosti ili 72,22 % od ukupne emisije vrijednosti umanjene za naknadu iz stava 1. ovog člana.

Novčana vrijednosti fonda dobitaka iznosi 1.300.000,00 KM i dijeli se na 251.606 dobitaka.

Fond dobitaka serije se raspoređuje po slijedećem planu:

Vrsta dobitka	Vrijednost dobitka	Ukupan broj dobitnih srećki	Iznos koji se izdvaja iz fonda dobitaka	Vjerovatnoća 1 : ...
35.000 KM	35.000 KM	2	70.000 KM	500.000,00
1.000 KM	1.000 KM	64	64.000 KM	15.625,00
200 KM	200 KM	100	20.000 KM	10.000,00
50 KM	50 KM	240	12.000 KM	4.166,67
2 KM x 10	20 KM	10.000	200.000 KM	100,00
20 KM	20 KM	1.700	34.000 KM	588,24
2 KM +(4 KM x 2)	10 KM	16.000	160.000 KM	62,50
10 KM BONUS	10 KM	8.000	80.000 KM	125,00
10 KM	10 KM	8.000	80.000 KM	125,00
2 KM x 2	4 KM	70.000	280.000 KM	14,29
4 KM	4 KM	12.500	50.000 KM	80,00
2 KM	2 KM	125.000	250.000 KM	8,00
<b>UKUPNO:</b>		<b>251.606</b>	<b>1.300.000 KM</b>	<b>3,97</b>


Prosječna vjerovatnoća za ostvarivanje dobitka iznosi 1 : 3,97.

## 8. OPIS SREĆKE

### Član 10.


Srećka je pravougaonog oblika, a štampana je u više vizuala.

Prednja strana srećke sadrži:

- Logo Lutrije Bosne i Hercegovine;
- Cijena srećke;
- Naziv srećke „DIJAMANTNA GROZNICA“;
- NAJVEĆI DOBITAK 35.000 KM;
- Igra 1 sa pripadajućim poljem za grebanje i uputom za igru: Igra 1: Pronađi 2 ista SIMBOLA u jednom REDU i ostvari pripadajući DOBITAK;
- Igra 2 sa pripadajućim poljem za grebanje i uputom za igru: Igra 2: Ispod polja TVOJI BROJEVI pronadi DOBITNI BROJ i ostvari pripadajući dobitak;
- Igra 3 sa pripadajućim poljem za grebanje i uputom za igru: Igra 3: Pronađi 3 ista iznosa i ostvari taj DOBITAK;
- Bonus: Pronađi simbol  i ostvari 10 KM;
- Pakovni broj srećke.

Poleđina srećke sadrži:

- Logo „Srećke na dohvat ruke“;
- EAN Bar kod;
- Logo „IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;
- **NOVČANI DOBITAK:** Srećka Dijamantna Groznica na sebi ima četiri igre. Dobitak je moguće ostvariti u bilo kojoj od igara.  
**IGRA 1:** Ukoliko se nakon skidanja emulzije sa polja za grebanje koje je označeno simbolima dijamanta otkriju dva ista simbola u jednom redu, ostvaruje se pripadajući dobitak.  
**IGRA 2:** Ukoliko se nakon skidanja emulzije sa polja koje je označeno natpisom TVOJI BROJEVI, otkrije broj koji se nalazi ispod polja DOBITNI BROJ, ostvaruje se pripadajući dobitak.  
**IGRA 3:** Ukoliko se ispod polja za grebanje otkriju tri ista iznosa, ostvaruje se taj novčani dobitak u jednostrukom iznosu.

**BONUS:** Ukoliko se nakon skidanja emulzije otkrije simbol  ostvaruje se dobitak od 10 KM.

Ukupan iznos dobitka predstavlja zbir svih ostvarenih dobitaka;

- Emisija: 1.000.000 srećaka;
- Emisiona vrijednost: 2.000.000 KM;
- Fond dobitaka: 1.300.000 KM;
- Datum prodaje do otisnut na srećki;
- Sigurnosni kod proizvođača;
- PLAN DOBITAKA;
- Priređivač: Lutrija BiH d.o.o. Sarajevo, Ul.Mehmeda Spahe 11, 71000 Sarajevo;
- Podaci o dobitniku, za oporezive dobitke: Ime i Prezime, JMB, Adresa;
- Pakovni broj srećke;
- Polje sa uplatnom šifrom u brojčanoj i bar kod formi.


## 9. UTVRĐIVANJE DOBITAKA

### Član 11.

Učesnik u igri utvrđuje dobitak u IGRI 1 ukoliko nakon skidanja emulzije sa polja za grebanje koje je označeno simbolima dijamanta otkrije dva ista simbola u jednom redu, te ostvaruje pripadajući dobitak.

Učesnik u igri utvrđuje dobitak u IGRI 2 ukoliko nakon skidanja emulzije sa polja koje je označeno natpisom TVOJI BROJEVI, otkrije broj koji se nalazi ispod polja DOBITNI BROJ, te ostvaruje pripadajući dobitak.

Učesnik u igri utvrđuje dobitak u IGRI 3 ukoliko ispod polja za grebanje otkrije tri ista iznosa, te ostvaruje taj novčani dobitak u jednostrukom iznosu.

Učesnik u igri utvrđuje dobitak u BONUS igri ukoliko nakon skidanja emulzije otkrije simbol  , te ostvaruje dobitak od 10 KM.

Ukupan iznos dobitka predstavlja zbir svih ostvarenih dobitaka.

Učesnik u igri nije dužan uzeti srećku na kojoj su vidljivi znaci oštećenja.

## **10. NAČIN I ROK ISPLATE NOVČANIH DOBITAKA**

### **Član 12.**

Pri isplati dobitaka učesnik u igri je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

### **Član 13.**

Porez na novčani dobitak plaća učesnik u igri koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

### **Član 14.**

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobitcima.

### **Član 15.**

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

### **Član 16.**

Ispod polja za igru na prednjoj strani srećke se nalazi šifra. Priređivač čuva tajnost šifre.

## **11. NAČIN UPOZNAVANJA UČESNIKA U IGRI S OVIM PRAVILIMA**

### **Član 17.**

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje sa ovim Pravilima, odnosno dati ih na uvid.

## **12. PRELAZNE I ZAVRŠNE ODREDBE**

### **Član 18.**

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

### **Član 19.**

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-26-955-4/23.  
Dana: 16.05.2023. godine

**P R E D S J E D N I K**

**Miroslav Ćorić, s.r.**